



www.BibleForChildren.org



San Juan 14



Kijtoj Jesús: —Amo xitayokoxtokan, ximoconfiarokan
ipan Dios iwán ipan nej no. Ipan íkal noTaj pox ono' kan
wel mochantilo, siga ayéj ijkón, nimitzijliayaj katka.
Niáo'wa' nikchiwati kan ximochantikan. Kua' niajya iwán
nimitzchiwilískeja kan amonoskej, niwi' sej iga
nimitzkuikij, iga kan
nonos nej, ompa
no xonokan
amejemen.



Nej niJuan yej amokn̄in, ne-iknochiwaj kensan n̄o
amejemen mitziknochiwaj. ToT̄eko reinarowa
ipan nej kensan n̄o reinarowa ipan




amejemen. Iw̄an
tikijyowiáj kua'
te-iknochiwaj iga
ijk̄on tepalewiá
Jesús.




Nonoya preso ipan tajkótal yej itoká' Patmos
iga san nikpowa itájtol Dios yej
Jesucristo nenextilij.



Iwán íkuā' iyEspíritoj Dios wālj noyakapan, iwán nikita'
se trono, ono' ipan cielo iwán ipan inón trono, a'pa yej
ewatoya.




Iwán nikagui' nō iga inochi yej isatokej yej Dios kichij,
yej onokej ipan cielo, yej onokej talpan iwán yej
onokej taltampa iwán yej
onokej ipan lám̄ar, kijtowayaj:
Kajasi iga Dios yej ono' ipan trono
wán el Cordero nochipa
mamotakuikili, mamoweyimatilti,
iwán nochipa
marreinarokan.




Nej, niJuan nikita' inón weyi-altepe' yej Dios itatki yej
kijliáj nueva Jerusalén, nikita iga nemi temowa ipan
cielo iyixtaj Dios. Pox monsajti' ken tikita takotzin yej
taajakíjto'ya iga monamiktiá iwan iwej. Iwan nikagui' se
tájtol recio yej witziaya ipan cielo kijtowa:


—¡Xikita, Dios
chantito' kan
onolo'! Yéj yawi
chantitoti iwamej,
yejemej
mochiwaskej igentej,
iwan Dios onos
iwamej. Yéj iseltisan
onos Dios iga inomej.



Iwán el ángel nēnētilij sē wēyā' yej tamaka vida, este chipakti' ken tikita cristal. Inón wēyā' kīsaya ipan iweyi asiento kan motaliá Dios iwán el Cordero.



Ompa ayá' moneki tónaṭi' niga luna iga matawi, iga Dios itawilka tawia iwán el Cordero kitawij inón weyi-altepe'.




Ipan inón weyi-altepe' ayá' kalakis nité yej ayékti iyixtaj
Dios, niga yej kichiwaj yej ayékti niga yej takajkayawaj.
Kalakis petz yejsan ijkuilijto'
itoka' ipan ama' yej kipiá el
Cordero kan nesi
itokamej yej
nochipa onoskej
wan Dios.




Dios ta-ixpojpowas iga chokatolo', iwan ay'ya mikiloo,
niga chokaloo, ay'ya agaj tenatos iga kualootos, iga
inochi yej onoya, panoja.




Iwán ompa ay'ya teyis yej Dios akiye'ita. Ipan inón weyi-altepe' Dios iwán el Cordero motaliáj ipan iweyi asientojmej wán yej kitokaj Dios kiweyimatiłtiskej. Iwán kinojma-itztoskej nokta Dios, iwán itoká' Dios ijkuilijtos pan iyixkuá'.



Iwán nikita' yej miktókeja, ejejkatokej iyixtaj Dios,
onoyaj yej kipiá itekiyo iwán yej ayá'. Iwán tapowikej
amamej, iwán se' ama' no tapowi' kan ijkuilijto' itokamej
yej nochipa onoskej iwán Dios. Iwán Dios
kijuzgaroj yej miktókeja kensan ijkuilijto'
ipan amamej, kensan yejemej kichijkej.
Iwán yej ayá' ijkuilijtos itoka' ipan
ama' kan ijkuilijto' itokamej
yej nochipa onoskej
iyixtaj Dios no
kimotaskej ipan inón
laguna yej wewelkato'.



El Espíritu iwán isiwa' el Cordero kijtowaj: —Xiwiki.
Iwán yej kikaki, makijto: —Xiwiki. Iwán yej ataneki
mawiki iwán makoni a'ti yej tamaka vida, yej ayá'
monamakiltiá.



Dios poxsan kichokilij inochimej yej
onokej ipan inín tajli, este kimá'
iselpiltzin, iga inochi yej makicredo
ipan yéj amo mapoliwi, majwa'
nochipa maono wan Dios.



Romanos 3:23 Tonochin tikchijkej yej ayekti iwán inón iga timoyokatijtokej wán Dios.

Romanos 6:23 Yej kichiwa yej ayekti, motaniliá iga mamiki, e' yej temakokatiá Dios, inón iga nochipa matonokan íwan iga tisetitókeja wán Cristo Jesús yej toTeko.

Hebreos 9:27 Tonochimej tiawij timikitij sesan vej, iwán despuéj Dios yawi tejuzgaroti.

Efesios 2:8,9 Dios mitzmanawijkej iga mitzchokiliáj iga ípan anmoconfiarojkej; iwán inín ayéj iga amoganaaj ankichijkej, sino que Dios mitzyokamakokawijkej.

Inín ayéj iga tejté tikchijkej iga tiktankej, iga amo agaj mamoweyimati.



Romanos 10:9,10

Siga tikijtowa iga Jesús toTeko, iwán ipan moalmaj
ticredowa iga Dios ki-ojpa-ixitij kan miktoya, mitzsalvaroj.
Puej iga toalmaj ticredowaj, iwán ijkón iga tiye ' onoj iyixtaj
Dios, e ' iga toten tiknojma-ijtowaj iga Jesús toTeko iwán
ijkón iga Dios tesalvarowa.

San Juan 3:16,17

Dios poxsan kichokilij inochimej yej onokej ipan inin tajli,
este kimá ' iselpiltzin, iga inochi yej makicredo ipan yej
amo mapoliwi, majuwa ' nochipa maono wan Dios.
Dios ayá ' kititan iPiltzin ipan inin tajli iga makijto iga
makicastigaro la gente, majuwa ' iga makimanawi.



1 Juan 5:11-13

Ininwa ' in yej kijtoj Dios: iga yéj kichiwas iga nochipa tonoskej íwān, siga ticredowaj ipan Cristo wel nokta nochipa tonoskej íwān. Yej setito ' wān iPiltzin Dios, yawi onoti nochipa íwān ipan cielo; e ' yej ayá ' setito ' wān iPiltzin Dios, ayá ' onos nochipa íwān. Nimitzijkuilowiliá inín āma ' amejemej yej ankicredowaj ipan iPiltzin Dios, iga xikmatíkanya iga nochipa amonoskej iwān yéj ipan cielo.



San Juan 14; 2 Corintios 5;
El Apocalipsis 4, 21, 22
Storyline by: Edward D. Hughes
Illustrated by: Lazarus
and Alastair Paterson
Adapted by: Sarah S.

Isthmus-Mecayapan Nahuatl Bible (nhx) © 2016, Wycliffe
Bible Translators, Inc. All rights reserved.

<https://live.bible.is/bible/NHXNFB/MRK/1>

©2024 Bible for Children, Inc.
www.M1914.org www.bibleforchildren.org

